

Н О В И Н И

ЗА РУСНОХ У ЈУГОСЛАВИЈИ

„Руски Новини“ виходза кажди тидень. — Предплата на рок 55 Дни.
Адреса: „Руски Новини“ Р. Керестур.
Число Чековног рахунку 59-356,

Видава: Руске Нар. Просв. Дружтво
За редакцију одповеда: Мих. ФИРАК.

На законченю ювилея покресценя нашего народу.

У национално-политичким живоце нова вира зединюе, як една державна вира шикки племена у його держави до єдного народу. Християнска вира найвецей доприноси тому да ше наш роздзелени народ почува як еден, як една велька родзина. Послухносц предпоставеним, котру жада християнска вира викоренюе старе зло непокорносци цо тельо давела наш народ и чкодзела му дотля и одтеди кеди год лем зишол зос правей драги. З друго боку християнска вира учела и князох и управительох народу же сила не у окрутносци и самоволї але у любови гү подложеним и справедливосци.

У просвитним живоце зос християнску виру наш народ моцно крочел напредок. Прима писмо и писани кнїжки. Володимир заклада манастири и школи, у котрих ше преучую, преписую и пишу кнїжки. Приводзи учених людзох и майстрох котри ширя знане медзи його народом. Будуе ше красни нови церкви и други явни здания, як широтинци и шпитали. У дружтвеним живоце настава тиж пременка. Место немилосердия и твардого шерца приходзи любов гү ближньому, милосердие и християнске одношене гү ближнім.

Вира постава основа державного и народного живота. Князове, починаюци од самого княза Володимира, вецей не гевти страшни кирвави князове, але полни християнского духа. И лем тоти глибоко побожни князове и управляче зробели вельо добра народу.

Нешка кед ше становиме у нашей брига за тот жемски живот и лем на час препатрима драгү нашего народу од заложения тих християнских фундаментах по Володимиру, котрого благодарни народ назвал »ясним слунком«, а церква го ураховала гү святим, до нешкайшого шветочного дня и и приликох у швецех дознаме єдну непомильну правду на якеј висини була вира у єдним народзе, на такеј була моц и благостане тей держави. Права вира, християнска вира, то основ и услов напредованя человека, держави и народу. Дзе ей нет там препада и человек и держава и вира.

Непомильно ше учиме, же не мож спреведац Бога, не мож служижц двом паном з еднакү любову. Дзевецстопейдзешат роки путуюци по новей драги ми видзиме же вельо раз сходзел наш народ з правей драги, лебо бул зводзени од людзох, котри ше бали правди.

Не даиме ше спреведац и признајме же у каждеј нашей трагедиј котру у обисцох ми преживаме, и трагедиј котри преживюе наш народ, найвецей ми виновати и виновати наш народ, як горе на старей Оцовщини, так и ту у нашей терашней Оцовщини красней Югославиј. 950 роки прешло, а ми ище не могли забуц и одрекнүц ше велїх старих наших поганских обичайох, билїчиц рани поганства и облечижц ше до правдивого християнства.

Непреценене добро нам зробел св. Володимир пред 950 роками, бо нам указал правдиву драгү гү правдивому щесцү. Ми тоту драгү знаме и вше кед зме ше ей тримали, добре нам було, але жаль повесц барз

Атентат на Гитлера.

В стреду 8. новембра вечар мали гитлеровци у Минхену вельку параду на спомин першей Гитлервей револуциј 1923. року (тоту параду тримаю Гитлеровци кажди рок и вше Гитлер на ней бешедуе) котра препадала. На 9. годзин тримал Гитлер у велькеј сали Варошкой Пивници бешеду, а лем цо вон зос сали вишол експлодовала на пойдзе тей сали велька бомба (пекельна машина), повала спадла на народ котри баш зос сали виходзел. Було 11 мертвих и дас 60 рангих. Да Гитлер лем дзешец минути у тей сали остал, повала би спадла на нього. А так бомба експлодовала нескоро. Лем случайно того року Гитлер тримал свою бешеду пол годзини скорей и

бул кратши та скорей вишол. Атентаторе нарихтали годзинку при бомби так, да експлозия наступи баш у половки Гитлеровой бешеди.

Глас о тим атентату направел вельке вражине у Немецкеј и у швецех. Немци такој рудаю вину на Англию, же атентат ей дїло, а францужки новини пишу, же атентат направели сами Немци незадовольни зос войну и зос шикким, цо Гитлер роби. Вшелїяк барз чудно, як могло присц до таког атентату, кед Гитлера чува позната по свој вештини тайна полиция („Гестапо“) и як вона немогла атентат препречиц.

Цала ствар за тераз не ясна.

ГИТЛЕР МОЖЕ ВОЙОВАЦ ПЕЙЦ РОКИ.

У свој бешеди у Минхену пред сам атентат гуторел Гитлер, же немецка приправена войовац и пейц роки, а не лем три, кельо би война мала тирвац по вияви Чемберлена. Французи на то одповедли, же Гитлер

цалком иншак тераз патри на войну як у початку, кед Немци гуторели о фришкеј войни, котра ше зверши за даскельо днї, так звана блїскавична война. Гитлер иншак нїч нового не повед

Преушорене Югославиј.

У наших новинох вельо ше тераз пише о дальшим преушореню нашей держави. Автономия Горватскеј то лем початок. Предняк босанских муслиманах министр Др. Куленович отворено виявел, же Босни тиж треба дац автономию так, же би попри бановини Горватскеј, Славониј и Сербиј була и штварта бановина Босна. Серби зос Босней заш не сцу, да Босна будзе обашка од Сербиј.

У предвовних гранїцох Босни жив нешка 900.000 Сербох, 700.000 муслиманах и 600.000 Горватах. „Горватски Дневник“ заш пише, же кед Войводина не достане автономию, вец ше муши раховаяц зос жаданьом Бунавцох и Шокцох.

Зос того шиккого виходзи, же ше наисце роби на преушореню нашей держави же би вона була ище моцнейша.

на кратко и барз мало зме ше през тоти 950 роки тей драги тримали. Не плакац прето и нам над нашу злу судьбу, але над самима нами.

Най тоти спознаня власних хибох з нагоди Ювилею покресценя Русинох допоможу нашому народу по пространих руских жемох населеному, най поможу богатому и худобномуу наврациц ше на драгү св. Володимира, та теди и до наших жемох завита шлебода, по чече мед и млеко, як за його владаня а у наших обисцох на наших польох завлада мир, спокойство и правдиве щесце.

Мих. КОВАЧ

Бомби и аероплани

Найстрашнейше оружие у шветовой войны.

Скоро кажи наш человек чита Новини розуми ше нашо Руски, а кед не та чуе од тих цо читаю новини яки чежки и мутни часи преживаме нешка. Вре шикок швет, а страшни чарни хмари ше зацагли над нами, як даяки страшидла. Ми знаме добре, же в лице, кед ше укажу страшни хмари на небе, ми сцекаме зос поля дому, да ше скриеме и сами, а и наш сток. Так ше мушиме приготовац и гледац способи, на котри ше очуваме од тих страшних хмарох цо покриваю цали швет. Вре у тим жемским котлех, а барз, бо людзе незадовольни зос свою долю. Єден другому завидзи. Кажде гледа дацо вецей, як цо ма.

Читае у новинох зос яким страшним оружиюм воюю нешка людзе. Дзела, митралези, тенки,

котри гажа, плїваю, рудаю огонь и непознаю нїяки препреки, але иду напредок и валяю, нїчтожа шикко, цо им на драже стої. Но ище страшнейше оружие од тенкох АЕРОПЛАНИ (крилатици, авиони). Вони сипу на нас зос воздуху вшелїяку шмерн. Рудаю бомби, котри паля, розбиваю, сипу зос себе вшелїяки отрови. Єдним словом, то найстрашнейше оружие у нешкайших часох. Скорей, як бим прешол на яки способ ше можеме од нїх обранїц у кратко вѣм опишем и ростолкуем яки аероплани ест нешка на швецех.

Аероплани ест три фели и то: легки, котри маю єден або два мотори. Штрєднї бомбардери зос 1 або два моторами и вельки бомбардери зос 1-2-3 моторами.

Легки аероплани леца на годзину 400 до 550 к. м.

Можу прияц 2-5 воякох, а ноша терху од 500 до 1.000 к. г.

Их є задача вигледовац цудзи аероплани и препречовац им да войду до нас.

Штрєднї леца на годзину 400-500 к. м. ноша 10 до 20 метери

Чєжки леца на годзину 300-400 к. м. Ноша 20-150 метери.

Дакус иду помалши од перших двох. Вони найлєпше проспєрираю вноци.

Аероплани наовужани зос бомбами, митралезом и по потреби зос дзелом.

Уж готови „Руски Календар“ за 1940. рок

Вельо векши од лоньского а цена иста!
КУПУЙЦЕ ЛЕМ СВОЙ РУСКИ КАЛЕНДАР!

